



Applicaziun cumpetenta dallas medias digitalas

Caras scolaras, cars scolars

Las medias digitalas (computer, tablet, telefonin etc.) fan part dalla veta quotidiana da nus tuts, e quei adina pli fetg. Saver duvra cumpetentamein las medias digitalas ei daventau aschi impurtont sco da saver leger, scriver e quintar.

La scola ha l'obligaziun da preparar vus scolaras e scolars per la veta era davart la tecnologia d'informaziun e da comunicaziun (ICT). Quella intermediaziun cuntegn aschibein l'applicaziun da differents programs cul computer, il retschercar egl internet, il far emprems pass el programmar, sco era il diever critic e differenziau dallas apparatus ed ils cuntegns che sesarvan e seporschan cheutras.

Cun quest scriver lein nus far attents vus davart il diever da medias digitalas duront il temps da scola, en tut special era quei che pertucca il diever dil telefonin.

- Las medias electronicas vegnan applicadas en scola tenor las instrucziuns dallas scolastas e dils scolasts.
- Quei vala era pils telefonins.
- Ils muments che las medias electronicas vegnan buca duvradas tenor instrucziun dallas scolastas e dils scolasts enteifer las lecziuns, han tuts apparats digitala dad esser sclaus e nunveseivels duront igl entir temps e sigl entir areal da scola. Quei vala en tut special pils telefonins e per uras cun pusseivladad d'access agl internet. Excepziuns san vegnir fatgas per dievers specifics lubi dallas personas d'instrucziun.
- En cass da maldiever ni da surpassaments quei che pertucca la buna applicaziun dallas medias digitalas, en tut special dil telefonin, mo era dad uras sco p.ex. Apple Watches, ein las personas d'instrucziun obligadas d'intervegnir.
- En cass da maldievers ni surpassaments fermes, ni en cass che tals cass serepetan, ein las personas d'instrucziun obligadas d'intervegnir rigurusamein.

Questas lingias duein contribuir ad ina dallas finamiras principalas che la scola ha en connex cull'instrucziun da medias ed informatica, en connex cun ICT en general, numnadamein alla finamira che mintga scolara e mintga scolar ei habels **da duvra cumpetentamein ed intelligentamein las medias digitalas.**

F. Friberg, menader da scola